


**5. Medidas e benefícios fiscais
de âmbito estatal**



A. IMPOSTO SOBRE A RENDA DAS PERSOAS FÍSICAS (IRPF)

5.1. Deducións familiares

Que son?

Trátanse de diferentes reducións que se poden efectuar na base impositiva do IRPF en concepto de mínimo persoal e mínimo familiar.

Que é o mínimo persoal da persoa contribuínte?

A valoración que fai o estado, a efectos do IRPF, de canto lle costa a unha persoa cubrir as súas necesidades vitais mínimas. Esta contía non se considera renda dispoñible e non se somete a tributación. Con carácter xeral, será de 5.151 €, aumentando en 918 € para os maiores de 65 anos e en 1.122 € para os maiores de 75 anos.

O mínimo persoal varía segundo a situación familiar (declaración conxunta, monoparentalidade) e se a persoa contribuínte ten recoñecida unha discapacidade segundo o grao da mesma.

Que é o mínimo familiar?

A valoración que fai o Estado, a efectos do IRPF, de canto lle custa economicamente a unha persoa contribuínte atender as necesidades básicas da súa familia. Existe un mínimo familiar por descendentes e outro por ascendentes.

Mínimo por descendentes para o ano 2001

Pola primeira filla ou primeiro fillo	1.836 €
Pola segunda filla ou segundo fillo	2.040 €
Pola terceira filla ou terceiro fillo	3.672 €
Pola cuarta filla ou cuarto fillo e posteriores	4.182 €

Cando a ou o descendente é menor de 3 anos o mínimo increméntase en 2.244 €, e nos supostos de adopción ou acollemento, o dito aumento producirase no período impositivo no que se inscriba no Rexistro Civil e nos dous anos seguintes.

Que requisitos deben cumprir as ou os descendentes?

- Que as ou os descendentes sexan menores de 25 anos, salvo que acrediten unha discapacidade igual ou superior ao 33%,
- que convivan coa persoa contribuínte,
- que non teñan renda superiores a 8.000 €/anuais, excluídas as exentas,
- que non presenten independentemente a declaración de IRPF con rendas superiores a 1.800 euros.

Mínimo por ascendentes para o ano 2001

Por ascendentes maiores de 65 anos e persoas discapacitadas	918 €
Por ascendentes de máis de 75 anos	2.040 €

Que requisitos debe cumprir a persoa ascendente?

- Convivir coa persoa contribuínte, polo menos, a metade do período impositivo. Entre outros casos, considerarase que conviven coa persoa contribuínte as e os ascendentes con discapacidade que, dependendo do mesmo, sexan internadas ou internados en centros especializados;
- Non debe ter rendas anuais, excluídas as exentas, superiores a 8.000 €.

Incremento dos mínimos da persoa contribuínte e por descendente e ascendente, debido a súa discapacidade

Por discapacidade entre o 33% e o 64%	Incremento 2.316 €
Por discapacidade ≥ 65%	Incremento 7.038 €

E o dito mínimo aumentara en 2.316 € cando acredite necesitar axuda de terceiras persoas ou mobilidade reducida.

Atención e asesoramento

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.2. Deducción por maternidade para mulleres traballadoras con fillas ou fillos menores de 3 anos

Que é?

Dedución dirixida a mulleres con fillas ou fillos menores de 3 anos, que realicen unha actividade por conta propia ou allea para a que estean dadas de alta no réxime correspondente da Seguridade Social ou Mutualidade.

A dedución por maternidade será de ata 1.200 euros anuais por filla o fillo e pode facerse efectiva de dúas formas:

- ✓ percibindo de forma anticipada mediante transferencia bancaria, 100 euros ao mes por filla ou fillo a cargo ata que cumpra os tres anos de idade,
- ✓ ou aplicando unha dedución de 1200 euros na declaración do IRPF.

Que requisitos se deben cumprir?

- As solicitantes deben ser mulleres con fillas e fillos menores de 3 anos, con dereito á aplicación do mínimo por descendentes, que teñan un traballo por conta allea ou propia, para o que estean dadas de alta no correspondente réxime da Seguridade Social ou Mutualidade.
- A dedución será dun máximo de 1.200 euros anuais por cada filla ou fillo menor de 3 anos e terá como límite as cotizacións e cotas totais á Seguridade Social e Mutualidades en cada período impositivo con posterioridade ao nacemento, adopción ou acollemento.
- No caso de adopción ou acollemento, a dedución aplicarase, con independencia da idade da ou do menor, nos tres anos posteriores á inscrición no Rexistro Civil ou da correspondente resolución xudicial ou administrativa.

Atención e asesoramento

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.3. Deducción de 400 euros

Que é?

Deducción de 400 € ao ano no IRPF para cada persoa contribuínte, cuxa base imponible sexa inferior a 12.000 euros anuais e obteñan rendementos do traballo ou de actividades económicas.

Quen se beneficia?

As/os traballadoras/es por conta allea, pensionistas e autónomas/os, que cumpran os requisitos establecidos.

Atención e asesoramento

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.4. Deducción por aluguer da vivenda habitual

Que é?

Os contribuíntes poden deducir o 10,05% (correspondente ao tramo estatal, compatible coas deducións autonómicas) das cantidades anuais satisfeitas por aluguer da súa vivenda habitual, cunha base máxima de deducción de 9.040 euros para rendas iguais ou inferiores a

17.707,20 euros anuais. E cando a base imponible estea entre 17.707,20 e 24.107,20 € a base máxima de dedución ira minorándose.

Atención e asesoramento

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.5. Dedución por obras de mellora na vivenda

Que é?

Dedución de ata 6.750 euros, un 20% das cantidades satisfeitas, ata o 31 de decembro de 2012, por obras realizadas nunha vivenda ou no edificio no que se atopa, que teñan por finalidade o aumento da eficiencia enerxética, a substitución de instalacións de subministro, a creación de infraestruturas que favorezan a accesibilidade ou a implantación de instalacións relacionadas coa sociedade da información.

Quen se beneficia?

As persoas contribuíntes cuxa base imponible sexa inferior ou igual aos 53.007,20 euros poderán deducir ata 6.750 euros anuais, e as que teñan unha base imponible entre os 53.007,20 e os 71.007 euros, a base da dedución será minorada.

As cantidades satisfeitas no exercicio non deducidas por exceder da base máxima anual de dedución poderán deducirse, co mesmo límite, nos catro exercicios seguintes. De todas non pode exceder de 20.000 euros por vivenda como base acumulada.

Esta dedución é incompatible, para as mesmas cantidades, coa dedución por inversión en vivenda habitual.

Atención e asesoramento

Agencia Estatal de Administración Tributaria

Tel.: 901.335.533

<http://www.aeat.es>

<http://www.agenciatributaria.es>

B. OUTRAS MEDIDAS

5.6. Tarifa eléctrica reducida ou bono social

Que é?

É unha bonificación na factura eléctrica para os consumidores domésticos mais vulnerables, cubre a diferenza entre o valor da tarifa de último recurso (TUR) e unha tarifa de referencia que se denomina tarifa reducida e se aplicará de xeito automático a quen teña unha potencia contratada inferior a 3 Kw na súa primeira residencia.

Quen se beneficia?

As persoas que teñan contratada unha potencia menor a 3 Kw na súa primeira vivenda, calquera consumidor acollido á TUR perceptor dunha pensión mínima, fogares con todos os seus membros en paro e familias numerosas.

Atención e asesoramento

Ministerio de Industria, Turismo y Comercio

Tel.: 901 501 002

<http://www.bono-social.es>

<http://www.mityc.es/energia/Tur/Bonosocial/Paginas/BonoSocial.aspx>

5.7. Financiamento ICO para investimento en vivenda

Que é?

É un préstamo, de ata o 100% do investimento ata un máximo de 10 millóns €, que debe destinarse á rehabilitación sostible de vivendas, incluída a man de obra e minutas de arquitectos, apareladores ou enxeñeiros sempre que sexan emitidas por un terceiro independente e se aporte xustificante de pago, compatible con axudas recibidas das Comunidades Autónomas ou outras institucións sempre que estes organismos non establezan outra cousa. Amortización ata 20 anos, con tipos de interese bonificados.

Quen se beneficia?

Particulares e comunidades de propietarios.

Atención e asesoramento

<http://www.icodirecto.es>

5.8. Redución do tipo de gravame aplicable ás obras de renovación e reparación de vivendas para uso particular

Que é?

Redución do tipo impositivo do IVE para todo tipo de obras de renovación e reparación das vivendas particulares ou dos edificios nas que se atopen, que se realicen ata o 31 de decembro de 2012. O tipo de gravame aplicable (7% ata xullo e 8% a partir de xullo), a todas as obras de albanelería, fontanería, carpintería, electricidade, pintura, escaiola, instalacións e montaxes.

Quen se beneficia?

A persoa física que destine a vivenda a uso particular e, tamén, as comunidades de propietarios polas obras realizadas no edificio no que se atope a vivenda, sempre que se cumpran uns requisitos de tempo (a construción ou rehabilitación da vivenda debeu finalizar ao menos dous anos antes do inicio das obras) e de custos dos materiais (o material subministrado polo que realiza as obras non debe superar o 33% da base impoñible da operación).

Atención e asesoramento

Agencia Estatal de Administración Tributaria

Tel.: 901.335.533

<http://www.agenciatributaria.es>

5.9. Plan integral do vehículo eléctrico

Que é?

É unha subvención directa do 25% do prezo neto antes de impostos (no caso das categorías M1, N1, L3e, L5e, L6e, L7e pode chegar ata 6.000 euros) para a adquisición de vehículos eléctricos, xa sexa por compra, leasing financeiro, arrendamento por renting ou leasing operativo.

Quen se beneficia?

As persoas físicas, autónomos, entidades privadas e administracións públicas e organismos sociedades o entidades que teñan consideración de carácter público estatal, autonómico o local.

Atención e asesoramento

Ministerio de Industria, Turismo e Comercio.

Tel.: 902 446 006

<http://www.sitve.es>

5.10. Axudas no caso de non aboamento de pensións de alimentos en situacións de separación ou divorcio

Que é?

É un anticipo ou prestación económica que o Fondo de Garantía do Pago de Alimentos reconece á persoa titular dunha pensión alimenticia que non esta a ser aboada, adiantándolle a pensión alimenticia (en todo ou en parte) pola persoa obrigada ao pago.

Quen se beneficia?

A persoa (menor de idade e/ou maior cun grao de discapacidade igual ou superior ao 65%) titular dun dereito a pensión alimenticia recoñecido, mediante resolución xudicial ou convenio regulador xudicialmente aprobado, que non sexan aboadas pola persoa obrigada ao seu pago, e que pedira a execución da sentenza xudicial que recoñece o dereito á pensión, resultando esta infrutuosa, sempre e cando a unidade familiar na que esta integrada cumpra uns requisitos económicos.

Cal é a súa contía?

A contía do anticipo por cada persoa beneficiaria é de 100 euros mensuais, agás que por resolución xudicial teña recoñecido un importe menor, de ser o caso, aboarse o importe establecido. O anticipo aboase por un período máximo de 18 meses e o percibe a persoa que ostente a garda e custodia da persoa beneficiaria.

Atención e asesoramento

Ministerio de Economía y Hacienda

Tel.: 900.503.055

<http://www.clasespasivas.sgpg.pap.meh.es>